



RESOLUCIÓN DA CONCELLEIRA DE RÉXIME INTERIOR, CONTRATACIÓN E PROMOCIÓN DA CIDADE POLA QUE SE PROCEDE Á ACTUALIZACIÓN DO RUEIRO MUNICIPAL DA PARROQUIA DE LOURIZÁN

ANTECEDENTES

Vista a problemática existente na parroquia de Lourizán coa obsoleta numeración das edificacións que non reflicte a realidade actual das construcións existentes e constatada a falta de sinalización homoxénea tanto das vías como da numeración das edificacións, co obxecto de levar a cabo as necesarias correccións, realizouse o correspondente traballo de campo para a revisión e actualización do rueiro municipal así como a colocación das placas nominativas das vías e para garantir a homoxeneidade da numeración e evitar o custo para os veciños a colocación pola administración municipal da placa identificativa do número de policía de cada inmovible.

FUNDAMENTOS XURÍDICOS

O municipio para a xestión dos seus intereses e no ámbito das súas competencias pode promover actividades e prestar os servizos públicos que contribúan a satisfacer as necesidades e aspiracións da comunidade veciñal, entre outras materias, na competencia de infraestrutura viaria e outros equipamentos da súa titularidade, tal como recolle o artigo 25 da Lei 7/1985, do 2 de abril, reguladora das bases do réxime local.

O artigo 75 do Regulamento de poboación e demarcación territorial das entidades locais, aprobado polo Real decreto 1690/1986, do 11 de xullo determina que os concellos manterán actualizadas a nomenclatura e a numeración dos edificios, así como manter a correspondente cartografía.

O artigo 17.2 da citada Lei 7/1985, do 2 de abril, indica que os concellos realizarán as actuacións e operacións necesarias para manter actualizados os seus padróns de xeito que os datos contidos neles concorden coa realidade, neste sentido a Resolución do 16 de marzo de 2015, da Subsecretaría, pola que se publica a Resolución do 30 de xaneiro de 2015, da Presidencia do Instituto Nacional de Estatística e da Dirección Xeral de Coordinación de Competencias coas Comunicadaes Autónomas e as Entidades Locais, sobre instrucións técnicas aos concellos sobre a xestión do padrón municipal prevé no seu artigo 5.3.5 a modificación de datos territoriais sen intervención do habitante, polo que cando se efectúa a modificación do seccionado, dos nomes cortos das unidades pobacionais, das vías ou da súa numeración, xerárase unha modificación por esta causa para todos os habitantes afectados.

O artigo 14.5 da devandita Resolución do 16 de marzo de 2015 recolle os criterios a ter en conta na numeración de edificios.

O abeiro do disposto nos artigos 124 da Lei 7/1985, do 2 de abril, reguladora das bases do réxime local e artigo 61 da Lei 5/1997, do 22 de xullo, da administración local de Galicia é atribución da Alcaldía a resolución deste expediente, atribución que ten delegada na persoa responsable da Concellaría delegada da área de réxime interior, contratación e promoción da cidade, segundo o establecido na resolución da Alcaldía de data 15/06/2019.

En base aos antecedentes e fundamentos expostos e de conformidade coas atribucións que me confire a lexislación sobre réxime local vixente

DECRETO:

Primeiro: Aprobar as modificacións realizadas no rueiro municipal da parroquia de Lourizán que se indican a continuación:



Segundo: Realizar as modificacións de datos territoriais no padrón municipal a todos os habitantes afectados.

refcat	parroquia	lugar	sg_via	nome_via	nº_anterior	nº_novo
36900A04300405	LOURIZAN	AGROVELLO			0	6A
36900A04300523	LOURIZAN	AGROVELLO			0	13A
36900A04300399	LOURIZAN	AGROVELLO			0	13B
002305700NG29F	LOURIZAN	AGROVELLO			0	23B
36900A01300245	LOURIZAN	COCHEIRAS (AS)			0	1B
7357004NG2975N	LOURIZAN	COCHEIRAS (AS)			4	6
001410600NG29F	LOURIZAN	GANDARELA (A)			1	1A
36900A01300225	LOURIZAN	GANDARELA (A)			0	7A
36900A01400016	LOURIZAN	IGREXA (A)			0	42A
6151502NG2965S	LOURIZAN	PRACERES (OS)	BARRO	CABO (O)	0	2A
6050701NG2965S	LOURIZAN	PRACERES (OS)	RUA	PRAIA (DA) - BO. O CABO	0	1
6152001NG2965S	LOURIZAN	PRACERES (OS)	RUA	PRAIA (DA) - BO. O CABO	8	8
36900A01900004	LOURIZAN	TORRE (A)			4B	4A

Terceiro: Dar traslado da actualización do rueiro ao Órgano de Tesourería e Xestión Tributaria, ao topógrafo municipal, a Víaqua (empresa concesionaria do servizo municipal de abastecemento de auga), á Dirección Xeral do Catastro e ao servizo de Correos.

Cuarto: Dar a debida publicidade aos cambios efectuados e publicar a presente resolución no Taboleiro Electrónico de Anuncios do Concello de Pontevedra

Así o dispón e ordena a persoa responsable da Concellaría delegada da área de réxime interior, contratación e promoción da cidade, por delegación do Ilmo. Sr. Alcalde de data 15/06/2019, en Pontevedra na data da sinatura electrónica que consta na marxe inferior desta resolución, perante o Sr. Secretario de Admón. Municipal do Concello, que dá fe da precedente resolución.

